

四庫全書

史部

欽定四庫全書

史部

欽定日下舊聞考卷九十一

詳校官庶吉士臣范逢恩

檢討臣德生覆勘

總校官進士臣程嘉謨

校對官進士臣單可璠

臚錄監生臣陶聞溥

欽定四庫全書

欽定四庫全書
欽定自下舊聞考卷九十一

郊垌

商

原彰義金之正西門新城築于明嘉靖中其西門曰廣寧而都人至今以彰義呼之

日析
記津

臣等謹按今廣寧門俗稱彰義特沿金源以來舊名耳其實金之彰義當在今廣寧門外之西南距右安門外地稍遠于方位始合何以明其然也金

之內城正南門曰宣陽門外橋曰龍津橋外門曰
豐宜周煇北轅錄范成大石湖集紀述甚明為今
右安門外地其豐宜之西南當為景風門再西當
為麗澤門凡經兩門然後及正西彰義門今雖不
能據右安門外之豐宜實指金之彰義為何處而右
安與廣寧相去甚近其非金彰義之舊鑿然無疑也

增

世宗御製廣寧門新修石道碑文 周禮地官小司徒

令野修道遂師巡其道修秋官野廬氏掌達國道路至
于四畿禮月令季春之月命司空循行國邑周視原野
修利隄防道達溝瀆開通道路毋有障塞是知古先聖
王經國理民之方纖悉備具至于道塗之間咸所加意
焉京師為四方會歸萬國朝宗之地我國家幅員廣大
文軌所同廓于無外梯山航海者聯鑣接軫絡繹而交
馳廣寧門其必由之路門外通達輪蹄所踐歲月滋久
漸至深窪時雨既降潦水停注則行旅經涉淹蹇泥淖

之中朕甚憫之乃命奉宸苑相度修治至自廣寧門小井村長一千五百丈皆填窪為高砌以巨石其廣二丈凡費戶部帑金八萬兩工既竣司役之臣請紀其事朕宵衣旰食勤求治理凡可以濟人利物者惟恐智慮之未周而施行之不力念茲國門之外輻輳之區稽于經籍王政所重宜以時修治且期堅固永久使仕宦商旅車馬往來胥遊于蕩平正直之路朕心慰焉爰濡筆而記之詩曰周道如砥其直如矢以是達之天下庶冀經

國理民之方莫不備舉云爾

增

皇上御製重修廣寧門石道碑文 廣寧門在京城西南隅為外郭七門之一然天下十八省所隸以朝覲謁選計偕工賈來者莫不遵道於茲又當國家戎索益恢悉荒徼別部數萬里輻輳內屬其北路則徑達安定德勝諸門而迤西接軻聯鎮率由緣邊腹地會涿郡渡盧溝而來則是門為中外孔道尤不與他等乾隆丁丑十

月敕所司重修石道以利行者至庚辰七月乃竣於是
上溯我

皇考命工初建時逮今三十年矣茲役也因舊趾修築
者一千九百八十四丈有奇又新道增築者四百七十
七丈有奇凡支帑金十三萬八千一百有奇崇

先制詔後來不可無以記也系之詞曰闔闔之門

天垣所直揭以杓杓言歸有極

聖者法象度地經涂詎惟同軌在闔孰踰瞻時垓埏日

Dr. J. C. K. K.

有于我

臣等謹按廣寧門外小井村恭建

世宗御製碑亭大井村西恭建

皇上御製碑亭皆在石道北南嚮

增乾隆五年

御製彰義門詩 彰義門外城墻下土壘背城面平野

上留方孔下孔圓不知此是何為者旁有老翁指點言
傳聞詎識實與假明代堵築防流賊孔以施礮壘拒馬

少時見壘已傾頽荆榛柿比知者寡我聞此語興咨嗟
感懷欲置不能捨勝國君臣守禦嚴即今胡為屋其社
由來守德勝守險地利不如人和也長歌一曲非誇強
周鑒在殷殷鑒夏

臣等謹按彰義門

御製詩恭載首見之篇餘不備錄

又按彰義門亦稱彰儀恭繹

御製詩題曰彰儀蓋從其通稱也

原陳文燭都門送別詩
落日青絲騎西風白
亭詞廣寧門外柳折盡向南枝
二酉園集

原隋仁壽間幽州弘業寺建塔藏舍利
神州塔傳

原隋文帝遇阿羅漢授舍利一囊與法師曇遷數之莫
定多少乃以七寶函致雍岐等三十州州建一塔天寧
寺塔其一也塔高十三尋四周綴鐸萬計風定風作音
無斷時寺僧云音飲則光現塔前一幢書體道美亦開

皇中立
帝京景物畧

原釋寶巖幽州人住京下仁覺寺守道自娛仁壽下勅

召送舍利于本州弘業寺即元魏孝文之所造也舊號
光林依峯帶澗面勢高敞自開皇末舍利到前山恒傾
搖未曾休止及安塔竟山動自息又仁壽初歲天降剃
刀三十三枚用甚銛利而形制殊別今僧常用以剃剪
也又初造石函明如水鏡文同瑪瑙光似琉璃內外照
徹紫微光起函外生紋如菩薩像及似衆仙禽獸師子
林樹雜相非一四月三日夜放大光明照天地有目皆
見續高僧傳

原仁壽二年正月分布舍利五十一州建立靈塔幽州表云三月二十六日于弘業寺安置舍利石函始磨兩面以水洗之明如水鏡內外相通紫光燄起其石斑駁又類瑪瑙潤澤炫耀光似琉璃至四月一日起齋行道至三日亥時舍利前焚香供養燈光照庭衆星夜朗有素光舒卷在佛輿之上至八日舍利入函自旦及辰函石現文彷彿象有菩薩光采紛縹又似衆仙其間鳥獸林木諸狀不惑者衆實難詳審其有文理照顯分明今

畫圖奉進

廣宏明集

原隋弘業寺唐開元中改額天王寺

長安客話

原金大定二十一年改弘業寺為大萬安禪寺

湛然居士集

原至寧元年八月赫舍哩執中作亂入自通元門是日變起倉卒中外不知所為善延實庫乃往天王寺召大漢軍五百人赴難與執中戰于東華門外金史本傳按善延滿洲語白色也實庫撒袋內襯格也舊作郝陽石古今譯改

原寺當元末兵火蕩盡文皇在潛邸命所司重修姚廣

孝退自慶壽曾居焉宣德間勅更今名

長安客話

臣等謹按天寧寺

本朝乾隆二十一年重修殿前恭立

御製重修天寧寺碑殿內

御書額曰常清淨法聯曰金界莊嚴鈴語鐘聲流淨梵
蓮臺旛霽香雲寶相現慈因接引佛殿內

御書額曰覺路慈緣聯曰發歡喜心慧光通寶筏施方
便力法界轉金輪塔垣東南碑一康熙十一年尚
書龔鼎孳撰集明董其昌書寺西北有別院額曰

宗師府寺僧謂即廣孝所居

原嘉靖壬寅五月天寧寺塔發煙三日

石河小說

原嘉靖二十五年給事中李文進言通年宣武門外天寧寺中廣聚僧徒輒建壇場受戒說法擁以蓋輿動以鼓吹四方緇衣集至萬人瞻拜伏聽晝聚夜散男女泥洳甚有通罪惡徒髡髮隱匿因緣為奸故四月以來京師內外盜賊竊發輦轂之下宜應有此乞捕為首者按治其罪詔下錦衣衛捕繫鞠問

明典彙

增嘉靖庚戌三月廿八夕王司寇世貞宿天寧寺役雨寂寂塔鐸忽欬也聲作于下籽籽然類蛩鼓翼者視相輪表青白光晶濛濛大于五斛甕上下閃爍間一射人衣亦青白色可吹黍時乃定則鐸聲發他籽籽聲息也

帝京景物畧

原京師天寧寺塔殿門闔處觀之其影倒懸人以為異

然沈存中筆談謂凡影入窓隙皆倒懸乃其常理如陽
燧照物皆倒中間有碍故也紙爲飛空中其影隨爲而
移或中間爲窓隙所未則影與爲遂相違爲東則影西
爲西則影東樓塔之影中間爲窓所未亦皆倒垂與陽
燧一也 太岳集

原天寧寺塔倒影在大士殿日方中圍殿中門日入門
罅塔全影倒現石上昔人云影從罅入空中物則旁碍
碍則影束影束則倒段成式云海水倒翻故爾然足舍
利珠影也珠光上聚攝入塔影影入隙光光則倒
受倒者先中塔影非此塔影也 帝京景物畧

臣等謹按倒影之說帝京景物畧所言較諸說爲
明顯今塔頂無珠塔後無大士殿倒影之跡蓋不
可得而考矣

原天寧寺塔高二十七丈五尺五寸

民齊
筆記

補天王寺之更名天寧也宣德十年事也今塔下有碑
勒更名勅碑陰則正統十年刊行藏經勅也碑後有尊

勝陀羅尼石幢遼重熙十七年五月立

陝志

臣等謹按遼重熙年石幢明宣德更寺名勅碑今
皆無存

原寺在元魏為光林在隋為弘業在唐為天王在金為
大萬安宣德中修之曰天寧正統中修之曰萬壽戒壇

名凡數易訪其碑記開皇石幢已失所在即金元舊碣亦無片石矣蓋此寺本名弘業而王元美謂幽州無弘業寺劉同人謂天寧之先不為弘業皆考之不審也

析

日記

補北京天寧寺有一磬傳是漢明帝時物每誦一經書其經名貼于上則磬自鳴經完乃止耳新

臣等謹按天寧寺漢磬今已無存所存者明嘉靖中銅磬在接引佛殿又鐵磬一在塔東南隅萬歷年製其石座為八觚以後文泠然志之說考之蓋

與鐵鼎同時鑄造者也

補京師天寧寺塔建于隋開皇末規制特異實其中無
時級可上蓋專以安佛舍利非登覽之地也其址為方
臺廣袤各十二丈高可六尺繚以周垣南北有門鐫之
臺上為八脈壇高可四尺衆如黃琮塔建其上脈如壇
之數塔之址畧如佛座雕刻錦文華苑是物之形上為
扶闌闌四周架鐵燈三層凡三百六十蓋每月八日注
油然之閣之內起八柱鏤以交龍牆連于柱四正琢為
門夾立天王像四隅琢為牆夾立菩薩像皆陶甃為之
仰望者疑為燕山奪玉石也自塔址至柱栢為第一層
其高約全塔三分之一自是以上飛檐叠拱又十二層
每緣之首級一鈴八獸交角之處又綴一大鈴通計大
小鈴三千四百有奇風作時鈴齊鳴若編鐘編磬之相
和焉最上一層其南有碑不知何年所立修塔時寺僧
有捐木索之不可得也又上憲盤相輪鑿金火珠以鑲

其頂塔下墀八面各安一鐵鼎高大餘腹按八方畫八卦明萬歷年所鑄塔前一石幢上刻尊勝陀羅尼咒連重熙十七年立帝京景物志謂是隋開皇年物誤矣幢前有碑度以亭蓋寺舊名天王宣德十年始改今名碑即勒改題寺名勅也塔後第二殿扁曰大覺再後為廣善戒壇亭午日射右扉創影落石上作雙椽燭形蓋座下偶有二隙光線此而分也 冷然志

臣等謹按天寧寺塔制冷然志述之詳矣椽首鈴今僅存其繫觚角者百有八塔頂之珠輪塔下之鐵鼎皆無存惟按引佛殿屏後懸寶塔圖書華嚴經塔高一丈五尺五寸計六十萬四十三字康熙

辛未虞山許惠寫大興闕秀同室人劉氏施

增

御製重修天寧寺碑 京師廣寧門外有招提曰天寧

寺中矗起浮圖高十餘丈考圖志隋時建寺曰弘業有僧藏舍利塔中入唐改名天王明成祖分藩特擴崇構宣德中改名天寧正統乙丑更名廣善戒壇設宗師十人歲以四月下旬集縉流聽度謂之圓戒嗣後乃復今名一修于正統乙亥再修于嘉靖甲申皆內官監為之

越今又二百餘年矣堅者瑕新者敝弗治且圯爰命增
葺之凡門廡殿宇齋堂丈室規制一新南苑迴蹕之便
常一過焉役竣有司以刻文請自象教流傳都會之地
多建琳宮梵宇為遠近壯觀蓋當時承平物力殷阜恒
出其餘以廣福田利益故洛陽伽藍記以覲時盛衰而
其厯世久遠則又因其蹟所在護持之俾弗替此亦世
諦因緣之不容已者也茲寺自隋至今垂千餘年其間
兵燹所摧蕩名園別墅高臺傾而曲池平者不知凡幾

寺獨以古剎巍然至今一燈迢遙法輪無恙釋典言四
禪地為三災所不能及是非佛力廣大默相攝于鐘魚
梵唄間虛空中常有吉雲擁護其何以熄龍漢之火迴
金藏之水障毘嵐之風劫塵莫之能壞功德不可思議
一至是耶夫名勝遺留愈久愈動人流連慨慕魯靈光
殿之獨存也好古者猶賦而傳之而況近在都邑集善
因而修淨業者乎顧前代修葺如正統以後大都出于
閹寺者流以城社蠹餘為莊嚴以苞苴長物為布施雖

號稱極盛厄莫甚于彼時者今為滌除其跡易腐摧朽
宏此偉觀香臺寶界皆從善緣中湧出是則自有茲寺
千百年來遭逢之最又不僅留勝蹟于無窮已也

原王綬游天王寺次王時彥韻 古寺幽尋竟夕暉敗
垣芳草路依微鳥啼空院僧何在樹老閒庭鶴自歸靜
對方池移石生高臨孤塔看雲飛平生自信心無碍不
是衰年始息機 王舍人集

原南大吉天寧寺行 城西野寺名天寧遙遙大道臨
郊垌多士驪駒停玉策諸天魚輪啟金局金局窈窕通
華殿桂栢璇題皆可見雕銜紫蓋覆珍輪獸吐青蓮承
寶薦寶薦明珠照四隅修廊廣室紛盤紆參差鐵鳳翔
高閣琅璫金鐸湧浮圖浮圖萬丈凌遙碧嘉樹陰森連
廣陌丹青不道千黃金土木寧論雙白壁此都此寺真

無此誰其建者中常侍可憐海內蒼生心只得上方經
行地君不見年年四月天傾城車馬紛駢闐蘭若上人
登寶座沙門弟子坐青氍毹此時公侯亦羅拜神鐘大磬
鳴天外蛛首佳人解誦經朱袍公子能受戒受戒誦經
敝繡筵左廊石室曲相連如陵之肉萬銅錢如澠之酒
金杯傳金杯象箸何狼籍萋草叢蘭同一澤薊門艷舞
留飛錫燕市名謳調上客吁嗟乎中黃門食祿千鍾近
至尊胡為崇此五蘭盆

瑞泉集

原沈淵集天寧寺詩千秋祇苑鳳城西烟樹蒼蒼路
轉迷綠綯龍宮分色相宮竟雁塔逼雲霓齋空盡日聞
鐘梵坐久深林自鳥啼信足諸天起物外好從此處學
幽栖

海岳靈秀集

原章适天寧寺餞別李伯承詩帝城西畔湧浮圖詞
客相將興不孤法界彩烟飛五鳳梵天珠樹下雙鳧論
交幾駐青絲騎惜別還傾白玉壺江漢才名多秀士一
時文采似君無

詩統

原區大相九日集天寧寺詩

帝京重九日朋舊共開

尊地達城西寺臺高薊北門雲

光移塔影山勢斷河源

忽覩南飛雁令余思故園

海目集

原朱國祚晚過天寧寺詩

郭外秋山百里晴日斜深

院晚涼生十三層塔半扉影一鳥不來風鐸鳴

介石

齋集

補李夢陽天寧寺觀塔碑作

舊瞻天寧塔今覽天寧

寺茲塔多鬼怪光芒夜夜至不知何時殿結構今頽

衆

剔蘚讀其碑識是隋文季蚪蚪半剝落蛟龍猶蠱厥我

來值時暮攬撓避發潛喟修陸抗趙代長山銜燕薊蒼然

野眺合一灑楊

朱淚空同集

補宏化寺在天寧寺東南惟餘一殿存并寺額佛像俱

亡之矣殿後百餘步有塔不甚高然亦重簷七層其第

一層有石陷壁間刻曰僧錄司左善世大慈仁寺開山
第一代住持傳曹洞宗師大機老人塔寺西北隅林木
中冢累累遺碑尚存大璫徐澄王朝等所瘞也

行國
錄

臣等謹按宏化寺遺址去天寧寺東南不半里殿
今廢諸璫碑亦無有大機老人塔今尚存

補廣寧門外御菜園觀音寺一稱海會禪林亦白紙坊
地也成化中上林苑監覃盈建以北有玉河鄉觀音寺
土人目為南觀音寺殿右一碑直文淵閣中書舍人永

嘉善立綱所書也碑建于成化五年正月

陳志

臣等謹按大慈觀音寺又名海會禪林俗名南觀音寺在廣寧門外西南一里寺樓恭懸

聖祖御書額曰寄興高遠雍正十一年

發帑重修殿內恭懸

世宗御書額曰慈雲甘露殿前恭立

世宗御製碑寺中碑二一明成化五年碑吏部郎中劉

文撰一康熙四十二年碑大學士陳廷敬撰

增

世宗御製大慈觀音寺碑 蓋聞觀音大士從聞思修
獲證真實圓通得二殊勝一者上同諸佛慈力二者下
同衆生悲仰其上同慈力也當無一衆生不可度其下
同悲仰也亦無一諸佛不可感雖曰諸佛實非諸佛雖
曰衆生實非衆生非衆生即無衆生相非諸佛亦無諸
佛相斯所謂無相道場大士實于此道場中興慈運悲
無相示相隨類應身靡刹不現成就世間出世間一切

衆生種種事業所以世人無不承事供養繇來尚矣京師廣寧門外孔道之南有大慈觀音寺創自金時明中葉有僧無為駐錫于此大弘經典繼者亦講演不絕遂為京畿講院之冠我

聖祖仁皇帝駕臨其地覽野曠天空塍連軫接親灑天筆書寄興高遠四字額諸殿朕弘思

聖澤光昭之勝地普門像教之寶坊頒帑金修治特建樓殿左藏

御書八月肇工不百日而告竣仍命教觀沙門住持講
演諸經開導四衆朝而鐘暮而鼓無非清淨之圓音鴉
之鳴鵲之噪悲演般若之實相雖然同是聲也大士從
之即得寂滅現前同是聞也衆生從之不免循聲流轉
何哉蓋迷悟之界祇在能返聞聞自性性與否耳經云
返聞聞自性性成無上道不用絲毫之功不移尺寸之
步豈不人人觀世音門門盡慈氏也哉爰書為記用勒
貞珉

欽定四庫全書

卷九十一

增陳廷敬重修南觀音寺碑畧南觀音寺創于金朝
明初廢為嘉蔬署成化間重修萬厯初又重修厯明至
今此寺復圯甲辰秋樂修法師主此刹百廢具興稱為
名利兩寅春

聖駕臨幸賜扁隨

命樂修住西山聖感寺因叙此寺廢興本末立一石以
傳後康熙四十二年仲秋立

原十里村見元人何太虛詩當在彰義門外今莫知其

處矣

析津
日記

原何中宿十里村詩朝出順承門暮宿十里村臂鷹
獵騎歸積雪明郊原居人喜客來汲井隣塙温羹湯稍
暖熟餅餌亦燒燂此夕羈旅意深知路人
思重林隱城堞望此勞心魂知非堂集

欽定四庫全書



欽定四庫全書
卷九十一

欽定日下舊聞考卷九十一

欽定四庫全書

欽定日下舊聞考卷九十二

郊垌

西二

增京師廣寧門外有普濟堂一所以處夫貧而無所歸

者

普濟堂冊

臣等謹案普濟堂在廣寧門外迤西二里其初居

民王廷獻醵金為義舉康熙四十四年順天府尹

錢晉錫以其事上

聞

聖祖仁皇帝御書膏澤回春額以

賜又

御製碑記建亭勒石禮部侍郎孫岳頒奉

勅書

世宗憲皇帝龍潛藩邸歲

賜銀一千兩迄今奉為定額歲於宣課司支給雍正元

年

特頒諭旨嘉獎尋

賞給孤貧額餘銀米並著為例十三年十二月復蒙
皇上頒賜銀五百兩乾隆八年又

特頒賑米二百石蓋自

帑金定額之外頻沐

優施

聖朝之矜恤窮黎者洵有加無已矣

增

聖祖御製普濟堂碑記

京師廣寧門外有普濟堂焉

門臨孔道地接神區萃萬國之梯航普兆民之樂利熙
來壤往之衆胥慶春臺肩摩轂擊之倫咸登壽域然而
川塗跋涉易興趼足之嗟風雨晦明難遂棲身之願或
徘徊岐路最急資糧或偃蹇孱軀尤需醫藥於是都人
尚義上戶輸金託此三乘之津梁用濟四生之疾苦慈
雲法雨資佛力以醒羣迷夕明晨鐘贊王化以弘大澤
寒得衣而饑得食羈旅如歸病有託而療有方疲癯立

起既安全之甚衆且存沒之皆寧有司以聞深為嘉悅
夫好義輕施乃良民之美行恤災拯患實盛世之休風
喜見我民還敦古道咸能體朕憂民之念推朕救民之
心勗建雖肇乎都城效法期及乎寰宇成比戶可封之
俗慰一夫不獲之懷書傳從欲於四方詩咏徧德於百
姓此則朕之志也爰賜之額曰膏澤回春而為之記
原真空寺在廣寧門外明景泰中建正德年圯世宗入
繼大統羣臣迎於郊外帳殿駐於寺之西太監李某捐

金修之大學士張治撰碑寺後有古松二其一已枯

折津
日記

臣等謹案真空寺在廣寧門外迤西五里寺中張

治碑今存碑署銜尚是其為庶吉士時也外又有
嘉靖四十二年工部尚書張文憲兩碑寺已圯僅
存殿數楹二松俱無存矣

原萬曆六年六月大學士張居正抵京上賜宴於真空

寺

明神宗
實錄

增張治真空寺碑畧 都城宣武關西真空寺景泰初
年司禮監太監興安之所建也迄今七十餘年傾頽圯

壞正德十六年夏四月聖天子自封藩入繼大統駐蹕
於寺之西行殿百官迎覲一時從龍近臣隨侍左右御
用監太監李端分憇于住持僧舍顧殿宇僧房惻然思
所以修葺之逾歲即上嘉靖元年李公以上所賜金經
營工作凡九十餘日告完自後殿及僧房煥然一新不
增其所無不減其所有是為記嘉靖元年秋八月立
原陸可教夏日出郊憇真空寺詩 古剎閒相過西郊
日未曛一燈僧自定諸界鳥空聞松影禪房合烟光驛
道分更憐歸路晚馬足有殘雲 金華詩萃
原高道素題真空寺壁詩 真空寺後雙松樹曾見先
皇駐蹕初三讓豈宜臨便殿百年猶共識遺墟離筵慣
聽悲歌續佛火偏存浩劫餘高坐道人無恙在願聞第
一義何如

景元堂集

原義井庵在天寧寺西十里復十里至盧溝橋義井或

欽定四庫全書

金石錄卷九十二

四

曰蜜井相傳文皇駐蹕甘其泉故名庵為中涓所修初
初寶閣高入雲漢中范文六金身稱之

長安客話

臣等謹案義井庵在廣寧門外迤西十里明萬厯

中額曰萬佛延壽寺後有大悲閣中奉大士高三
丈六尺閣前為明神宗敕諭碑正殿前有崇禎十
三年碑河南右布政使周鏐撰井在廟門外今其
地名大井村

又案大井村石道嚮建木牌坊一座乾隆四十年

命改建石工恭鐫

御書額東面曰經環同軌西面曰蕩平歸極

增明神宗敕諭義井萬佛延壽寺碑略
朕發誠心印造大藏經頒施在京及天下名山寺院供奉經首護勅
已諭其由爾住持及僧衆人等務要虔潔供安朝夕禮
誦祈無疆壽福民安國泰天下太平俾四海八方同歸

仁慈善教焉

增周鏘萬佛延壽寺碑略 昔佛住世雪山修行何意
於人世然而給孤長者金磚布地祇陀太子施樹及園
大都有一代之大修行人即有一代之王公大人供奉
而侍養之法界大師飛錫義井茅屋施茶有轉大法輪
之願未竟厥施而師先圓寂先是一僧募造大士金身
高三丈六尺功垂成而僧竟不知所往後李中貴之父
繼募成造內翰孫公成奏聞神祖發帑金若干欽命義

井供奉賜額名延壽寺繼法界而受成者則無窮大師拈据之功不小一時善信指不勝屈殿宇樓閣方丈香厨無一不備嗣無窮大師而克勝其任者則瓊峰大師以守而兼創冬湯夏茶四時不絕恐其世遠微亡亟圖醵石屬余搦管崇禎十三年孟夏立

原濕水即桑乾河至馬陘山為落馬河出山謂之清泉河亦曰干泉至雍奴入笥溝謂之合口

隋圖經

原濕水出雁門陰館縣東北過代郡桑乾縣南又東過涿鹿縣北又東南出山過廣陽薊縣北

水經注

原桑乾泉即溇涇水也其水潛承太原汾陽縣北燕京

山之大池古老相傳有人乘車於池側忽遇大風飄之於水有人獲其輪於桑乾泉故知二水潛流通注矣桑乾水自源東南流右會馬邑川水東南流合濕水桑乾水濕水並受通稱矣

同上

原盧溝河亦謂黑水河河色最濁其急如箭

北轅錄

臣等謹案盧溝河舊自宛平縣東經大興縣南至

東安武清入白河即桑乾故道也元時自宛平分流為二後舊渠堙塞其南出者明永樂間改西南

流嘉靖初徙固安北東入永清經霸州東北達信
安入海萬厯中徙固安西十餘里尋復徙城南泛
溢固安永清之境後又徙固安北

本朝順治十一年改流縣西與清水合南入新城至霸
州城南溢為巨浸康熙三十七年

聖祖命撫臣于成龍等疏濬起良鄉之張各莊至東安
之郎城河別開一渠引河使東行由固安永清之
北出柳岔口三角淀達於西沽並築長堤捍之

賜名永定河設分司管理雍正四年

世宗命于郭家務開渠七十里其下流之長洵河開濬三十餘里導河逕王慶坨東北入三角淀並築堤自柳岔口至韓家村凡三十餘里以防其衝改永定分司為道員專司修濬由是渾河下流不復南注清河沿河州縣咸受其利乾隆十六年

皇上命移河之下口自南岸上七工秉教村流經永清霸州東安武清界至天津安光村入葉淀歸海嗣

因地勢稍狹未能勻沙蓄水二十年春

上親臨閱視指授方略開北岸之六工為下口流經永清東安至武清東沙家淀入鳳河達天津歸海二十八年復挑濬永清東安武清舊河孫家坨惠家莊諸處於是盧溝下流益暢永慶安恬矣

原盧溝去燕山三十五里宋敏求謂之菰蘆河即桑乾

河也

石湖集

原大定十年議決盧溝以通京師漕運上忻然曰如此

欽定日下舊聞考

則奔流善崩濁則淤淖成淺不能勝舟其後上謂宰臣曰分盧溝為漕渠竟未見功若果能行南路諸貨皆至京師矣平章政事駙馬元忠曰請求識河道者按視其地竟不能行而罷

金史河渠志

原盧溝河其源出於代地名曰小黃河以流濁故也自奉聖州界流入宛平縣境至都城四十里東麻谷分為

二派

元史河渠志

原明洪熙元年七月水決盧溝橋東狼窩口岸一百餘

明仁宗
實錄

在工部奏聞上命併力用工二月修盧溝橋凌水所決

河東岸自狼窩口至小屯廠行在工部請修治從之命

明宣宗
實錄

臣等謹案盧溝橋東五里地名小屯又橋北十餘

里地名小屯村

原成化七年二月撥官軍五千以少監高通都督鮑政
工部侍郎李顥修築盧溝橋隄岸

明憲宗
實錄

原嘉靖四十一年八月盧溝西南隄壞命工部尚書雷
禮往視禮還上修築事宜謂盧溝橋東南有大河從麗
國莊入直沽下海沙泥淤塞十餘里稍東有全河從固
安入直沽下海地勢稍高宜先疏濬大河令水歸故道
然後繕築長隄其次口地理土浮水深流急人力難施
而西岸有故隄約長八百丈宜接遺址繕築仍委幹局

官九人分為九區并力責成又言橋東西岸甃石不堅
當俟決隄工完之日加工繕治報可

明世宗
實錄

原盧溝河發於太原之天池伏流至朔州馬邑從雷山
之陽發為渾泉而為桑乾河雁門雲中諸水皆會焉過
懷來行兩山間拘束齟齬不得肆至京城西四十里石
徑山之東地勢平而土脈疏衝激震蕩遷徙弗常永樂
正統間狼窩口大決為京師患屢常修築弘治二年發
軍民夫治之至嘉靖三十年以後東岸隄決幾二十處

於是以三十五年興工次年橋工告成是河安流者數
歲四十一年西南又決復行修理隄岸始堅

水部
備考

臣等謹案石徑山亦名石經山又曰石景曰濕經

詳見後卷許用賓碑略

原盧溝河出太原天池伏流至朔州馬邑從雷山陽湧
為金龍池迤邐東下曰桑乾河雁門雲中諸水皆會由
大同古定橋抵宣府保安州過懷來行兩山間至京城
西四十里石徑山之東地平土疏衝激遷徙不常至看

原盧溝而下舟楫時有之盧溝而上直達宣府之保安州故元運道也自大同縣古定橋起至盧溝橋務里村止約八百餘里內可以舟行者七百二十七里驢駝般

運者八十八里

水部
備考

原蘇軾詩曰北渡桑乾冰欲結心畏穹廬三尺雪南渡桑乾風始和冰開易水應生波蓋桑乾下流為盧溝以其濁故呼渾河以其黑故呼盧溝燕人以黑為盧水本

一也

燕都游
覽志

原嘉靖十年命工部郎中陸時雍修盧溝河以支流導入於海三十四年命修盧溝河從柳林通雞鵝房導入大河四十一年命工部尚書雷禮修盧溝河先濬大河令全河水歸故道從麗莊園入直沽下海凡三易治而

世宗朝盧溝無患也

明水利考

原大業七年征高麗煬帝遣諸將于薊城南桑乾河上築社稷二壇帝齋于臨朔宮懷荒殿

通考

臣等謹案隋大業間社稷二壇今無考

原裴行方檢校幽州都督引盧溝水廣開稻田數千頃

百姓賴以豐給

冊府元龜

原過盧溝河伴使云恐乘橋危以車渡極安而速濟不

曉其法

使遼錄

補甲戌夏四月金主南遷留太子守中都金主行距涿
遼軍在後至良鄉金主疑之欲奪其元給鎧馬還官遼
軍驚遂殺主帥索琿而叛共推扎達巴咱爾扎拉爾為
帥而還中都福興聞變遣軍阻盧溝使勿得渡扎達等

使其裨將貝實勒帥輕騎千人潛渡水腹背擊守橋衆

大破之盡奪衣甲器械牧馬之近橋者

聖武親征記按索琿滿洲語

姜黃色也舊作素溫扎達蒙古語石也舊作斫答已咱爾梵語金剛也舊作已薩爾扎拉爾蒙古語纓絡也舊作扎刺兒貝實勒唐古特語琿珀也舊作比涉兒今俱譯改

原元太祖將兵南下中都降王檄進議田野久荒而兵

後無牛宜差官盧溝橋索軍回所驅牛十其一以給農

民用其說得數千頭分給近縣民大悅復業者衆

元史本傳

原延祐四年盧溝橋澤畔店琉璃河並置巡檢司

元史百官

原至正十四年四月造過街塔於盧溝橋

元史順帝紀

臣等謹案過街塔在西直門外迤西四十里距盧

溝橋十餘里今尚存

原天啓元年十二月御史李日宣議於都門抵良鄉界五十里如長店大井柳巷五里店太平塢等處每五里築墩堡宿兵十名遇有竊發協力出救又盧溝橋至趙村十里趙村至良鄉二十里僅有盧溝橋巡檢弓兵二

十人難以策應宜一體設備以遏亂源得旨即行

明憲宗實

錄

臣等謹案柳巷在廣寧門迤西五里大井在廣寧門西十里五里店在盧溝橋東五里長店當即今長新店在盧溝橋西五里太平塢無考趙村隸良鄉縣境

原議者謂盧溝畿輔咽喉宜設兵防守又須築城以衛兵於是當橋之北規里許為斗城局制雖小而崇墉百

雉儼若雄關城名拱北南曰永昌北曰順治叛於崇禎
丁丑特設叅將控制之

破夢
閒談

臣等謹案拱北城

本朝更名拱極城復改永昌門曰威嚴屢事修葺設西
路捕盜同知及巡司游擊各員弁駐守

增拱極城內路東有觀音庵路西有興隆寺

五城寺
院冊

臣等謹案拱極城觀音菴明嘉靖四十一年重修

碑一無換人姓名興隆寺

本朝康熙六年重修有開建十方院碑吏科給事中趙
之符撰磬一明成化六年鑄鐘一上勒萬厯丁未
勅賜護國廣慈寺字蓋後人移置茲寺者而廣慈
寺已廢無考矣

原大定二十五年五月盧溝決於上陽村先是決顯通
寨詔發中都三百里內民夫塞之至是復決朝廷恐枉
費工物遂令且勿治二十八年五月詔盧溝河使旅往
來之津要令建石橋未行而世宗崩大定二十九年六

月章宗以涉者病河流湍急詔命造舟既而更命建石橋明昌三年三月成勅命名曰廣利有司謂車駕之所經行使客商旅之要路請官建東西廊令人居之上曰何必然民間自應為爾左丞守貞言但恐為豪右所占况罔利之人多止東岸若官築則東西兩岸俱稱亦便於觀望也遂從之

金史河渠志

朱彛尊原案二十五年五月世宗紀作二十六年補大定二十九年六月作盧溝石橋明昌三年三月癸

未盧溝石橋成

金史章宗紀

臣等謹案金史六月作盧溝石橋原書誤作閏月是年閏乃五月今改正

增盧溝橋在京南三十里水源出金口即渾河水至盧溝波濤洶湧狂瀾疊出石齒相角上架石梁有獅子闌

楯

析津志

原弘治三年五月修築盧溝橋成內官監太監李興乞陞文思院副使潘俊等官吏部尚書王恕謂官匠營造

乃其職分自成化初年以前修河築隄並無陞官事例
比者營先帝山陵所役軍匠至四萬人亦未有陞職者
此役較之山陵不及三之一顧欲妄濫陞官甚失輕重
之序上從其言命給賞有差

明孝宗
實錄

原盧溝橋金明昌初建正統間重修長二百餘步左右

石欄刻獅子數百枚情態各異


長安
客話

補朱存器為修內司使嘗夜行盧溝橋獲金一囊坐而
待其主以付之其人請中分存器笑而遣之
元史列傳

原盧溝河水極湍激每候水淺深置小橋以渡歲以為常近年於此河兩岸造浮梁建龍祠彷彿如黎陽三山

制度

奉使行
程錄



欽定日下舊聞考卷九十二

欽定四庫全書

史部

欽定日下舊聞考卷九十三
五

詳校官庶吉士臣范逢恩

檢討臣德生覆勘

總校官進士臣程嘉謨

校對官進士臣單可璠

謄錄監生臣陶開溥

欽定四庫全書

欽定四庫全書

鄭河 西三

原大定十九年有司言盧溝橋河水勢泛決啗民田乞

官為封冊神號禮官以祀典不載難之已而特封安平

侯建廟二十七年奉旨每歲委本縣長官春秋致祭如

令

金史
禮志

原初盧溝河決久不能塞加封安平侯久之水復故道

上曰鬼神雖不可窺測即獲感應如此圖克坦克寧奏
曰神之所佑者正也人事乖則勿享矣報應之來皆由
人事上曰卿言是也

金史
本傳

原至元十六年五月進封桑乾河洪濟公為顯應洪濟

公

元史世
祖紀

原正統元年七月命行在工部左侍郎李庸修狼窩口
等處隄二年二月李庸請建龍神廟于隄上且令宛平
縣復民二十戶自石徑山至盧溝橋往來巡視從之四

年六月小屯殿西墜決詔發附近丁夫修築七年十一

月築渾河口九年三月修盧溝橋

明英宗實錄

增南惠濟廟在盧溝橋之南拱極城東半里許

五城寺院冊

臣等謹按盧溝河神廟金大定中建封安平侯元

至元中封顯應洪濟公明正統中建龍神廟于隈

上

本朝康熙三十七年

聖祖仁皇帝發帑重建

勅封永定河神乾隆十六年

皇上發帑重修

勅加封安流廣惠永定河神乾隆三十九年又修廟有

康熙三十七年

聖祖御製碑文乾隆十六年

皇上御製碑文乾隆四十一年

皇上御製詩俱恭勒于石大殿恭懸

聖祖御書額曰安流潤物

皇上御書聯曰鞏固藉昭靈惠同解阜馨香憑報祀濟
普安恬後殿恭懸

皇上御書額曰永佑安瀾廟額曰南惠濟者以河之上
流石景山有北惠濟廟也石景山廟詳後卷

增

聖祖御製碑文 朕勞心萬民於農田水利諸務常切
講求大要仿古之決河浚川而因勢利導度有可行期
於必濟惟勤不應樂觀厥成念茲永定河其初也無定

蓋綠河所從來遠發太原之天池經朔州馬邑會鴈雲
諸水過懷來夾山而下至都城南土疏衝激數徙善潰
頗壞田廬為吾民患苦朕甚愍之蠲賑雖頻告菑如故
永圖捍禦之策咨度疏濬之方特命撫臣于成龍董司
厥事庀役量材發帑諏日具告禱于神乃率作方興庶
民子來畚鍤雲集湯湯之水湍波有歸橫流遂偃嘉此
新河既濬既平計地自宛平之盧溝橋至永清之朱家
莊匯卽城河注西沽以入於海計里延袤二百有餘廣

十有五丈計工始於康熙三十七年三月辛丑即工於
五月己亥自今蓄洩交資高卑並序民居安集亦克有
秋夫豈惟人力是為抑亦神庥是賴宜永有秩于茲土
以福吾民用是錫河名曰永定封為河神新廟奕奕丹
雘崇飾更頒翰墨大書扁額以答靈貺豈特于祈報之
禮有加尚俾知水利有必可興水患有必當去而勤於
民事神必相之以勸我長吏凡一渠一堰咸所當盡心
爰揭諸碑紀茲實事監於後人視永定河所自始

增

御製安流廣惠永定河神廟碑文 國家懷柔百神嶽
瀆海鎮而外名山大川之祭視歷代為加隆矧郊圻近
甸洪流巨浸經行迄於千里利賴存於萬姓昭德報功
曷敢弗欽崇厥祀永定河古桑乾河也發源天池洑流
馬邑匯雲中雁門諸水穿西山而注盧溝亦曰盧溝河
西山而上岡巖夾峙無衝激之患盧溝下地平土疏波
激湍悍或分或合遷徙非常而固安霸州之間輒至潰

溢我

皇祖聖祖仁皇帝親臨指示大修堤堰肇錫佳名我
皇考世宗憲皇帝興舉水利疏濬兼施蓋自康熙三十
七年至今水慶安瀾民資作乂平成底定之績邁越前
古而神庥協應靈貺屢彰已五十年于茲矣康熙雍正
年間盧溝石景均建有龍王之廟而神宇之嘉稱未定
朕纘膺鴻緒躬閱河防仰惟
謨烈之顯承敬念

明神之孚佑深籌捍禦之宜備舉尊崇之典爰勅督臣
式輪式奐新定斯名平野臨其前長河繞其側堂基夾
塏棟宇閎深禮臣請勒文貞珉以紀歲月朕惟詩曰允
猶翕河又曰世德作求永言配命惟永定河之順軌經
兩朝之方略翕猶之功既著

世德之盛彌昭今茲廟貌維新以妥以侑朕既薦明德
之馨彌深紹庭之念神其益懋豐功降康兆庶俾三輔
之內廬井恬熙咸安作息以慰朕懷保萬民之意以宏

我國家無疆之慶將億萬斯年實嘉賴焉乾隆十六年
歲次辛未十一月十一日

增乾隆九年

御製正月二十五日過盧溝橋詩 滑笏新波泛薄凌

春山箭鬱有雲興無邊詩景盧溝道半拂陰鞭憶我曾

憑輿歷歷好韶光麥始攢青柳欲黃只有憂懷同渴壤

幾時一例沃天漿

臣等謹按盧溝河水勢湍悍下流又距運河諸堤

不遠其濬治之道洵有因時異宜者

皇上同咨水利區畫萬全每當

鑒譚經行憑覽殷懷著於篇什恭繹

聖製義蘊淵深形勢稟括實可為萬世治河法茲卷既
恭載初見之章復於各體中闕繫河務者敬謹臚
載以徵順軌安瀾之有自至虛溝曉月

御製詩恭載形勝門例不複綴

增乾隆十五年

御製過盧溝橋詩 石橋跨渾波堅久誰所製過此為
桑乾古以不治治築隄詎得已

皇祖為民計經世未疏濬疏濬勞不易加以沙性淤騎
牆行必致今春清苑迴臨隄一親視叶束手苦乏策無
已示大意入夏霖雨溢遂告隄云潰南望彌感憂阡陌
成棄置賑恤豈有吝排築籌次第秋分潦勢殺狂瀾庶
由地徒懷瓠子歌實遜塗山義

增乾隆十八年

御製盧溝橋詩 石梁黑水此鳴鞭前度迴思頓隔年

西指

橋山程四日繫予心在嶺雲邊 驚蟄初臨凌汛過層

冰浦激積嵯峨俯欄識得渾流猛行水思量究若何

閱隄前歲數行牆瓠子隨歌怒若傷

庚午春閱永定河隄知其每歲加高

河底淤填如以牆束水是夏渾水決溢因命改濬下口

南徙尾閭賴稍定亦惟茲

土慎修防 無定河如永定乎千秋疏治仰

神謨便將紆轡觀輪尾穡事民生總要圖

增乾隆二十年

御製過盧溝橋詩

盧溝橋北無河患盧溝橋南河患

頻橋北隄防本不事橋南築隄高嶙峋隄長

上壑下同

河亦

隨之長行水牆上徒勞人我欲棄地使讓水安得餘地
置彼民或云地亦不必讓但棄隄防水自循言之似易
行不易今古異宜難具論

增乾隆二十三年

御製過盧溝橋詩

拱極城西度石橋春風客路故相

撩謁

陵指日知程近程近吾心越覺遙
汎過桃花漲影退
上流猶自易隄防北南下口屢遷就
慚愧終無永逸方
桑乾節近斂洪波沙積川中兀已多
大抵有源要求
尾小黃河劇大黃河

增乾隆二十八年

御製過盧溝橋書懷詩
微波春水漲沙灘詎啻春微
桑且乾祇以渾流非一往每防夏汎有千難
作隄已逮

騎牆勢輸尾惟圖措火安

下口運河為之阻渾流既不
可入運惟使蕩漾於定池及

窪地自乾隆元年以來已三易其處矣今之下口據方
觀承以為可行二十餘年知其非長策而實無計可圖也

博覽從來治河策不寧斯矣為長歎

增乾隆二十九年

御製過盧溝橋詠冰解詩

水黑為盧冰亦然隆冬凍

合澤腹堅東風一夜入長川解之祇在須臾間青氣鼓
動素鑰宣元英不得施其權層疊黝玉巨如山壘而置
之河兩邊其高嵯嵯長連延黃流在中瀉激湍方當初

解竒可傳礪碌砢礮聲喧闐快馬斫陣驚擊鳶似神而
非三似焉亦不衝蕩石橋堧信非人力斯由

天襟帶皇州億萬年

增乾隆三十一年

御製過盧溝橋道中即事詩 拱極城邊度石橋橋亭

碑記仰

神堯錫名永定垂千古敢不修防厯旰宵 一道黃流

宛在中金隄夾輔峙猶崇桃花水送層冰下下口新河

宛轉通

渾河下口屢易自己亥年方觀承奏請改由北岸大隄之外下注沙淀葉淀十餘年來河水安

流兩隄鞏固頓資新河宣洩之力

過橋村店號長新旅館居停比接

鄰試問於中投宿者阿誰不是利名人 柳陌風前金

縷縷麥塍雨後綠芊芊見耕犁者教傳問云近清明種

大田

增乾隆三十三年

御製過盧溝橋詩

盧溝來往過多年蟬竦卧波鎮鞏

然上接遥源資束刷

永定河自石景山以上兩岸並有岡壑夾峙迨過橋則皆漫流平沙

是楊寶為
上海鎮鈴

下成巨壑事防宣春迴凍解沙猶弱東去河

橫運恐穿

永定河下游為運河橫亘所隔不能直達於
海無已開寬下口資其湧漾澄清然後歸風

河由直沽入海所以避
運一帶工程最關緊要

無奈漾流籌下口一勞永逸正

難焉

增乾隆四十一年

御製永定河惠濟祠瞻禮作 廟宇維新恒賴後

神靈妥佑久經前落成此日瞻苞茂肅拜一時致敬虔

鞏固玉麟堤護甸安恬金鏡浪歸川嘉名永定貽

皇祖惠濟畿封億萬年

臣等謹按祠內

御製文碑左側恭鐫乾隆四十一年

御製詩

原表煒重修盧溝河隄記略 盧溝襟帶都城之西頃
年沙洲突起下流填閘水失故道隄決衝走西南百
餘里事聞遣工部尚書雷禮暨掌工部尚書徐果相度
規畫條上事宜上發帑銀三萬五千勅太監張崇侍郎
呂光洵指揮同知張鐸御史雷稽古董其役仍令禮月
一往視經始于嘉靖壬戌秋九月報成于癸亥夏四月
凡為隄延袤一千二百丈高一丈有奇廣倍之較昔修
築堅固什伯矣于是臣禮請立石紀其事乃命臣煒為

欽定四庫全書

卷九十三

之記

袁文榮集

增楊榮修盧溝河堤記

天下之難治者莫踰水而治

水之先者莫踰京師故大禹之蹟首在冀州豈非以水之利害所係者大而畿甸之內宜慎其防以為宏遠之圖也歟盧溝之河至京城西四十里石徑山之東地勢平而土脉疏衝激震蕩遷徙弗常後魏都督河北道諸軍事建成侯劉靖及子平鄉侯宏築戾陵堰以防之水患以息後人思其功謂之劉師堰歷世既久水勢漸更下流十五里距盧溝不遠有白狼窩口時復衝決漫流而東浸沒田廬民弗安業聖朝建北京視河為襟帶永樂間屢當修築輒復傾圯今聖天子嗣位命工部侍郎李庸內官監少監姜三義往任厥事復命太監阮公安少保工部尚書吳公中總其事宜勅其務存堅久勿為苟且庶幾暫勞永遠羣公致命材謀共濟經始于正統元年冬畢工于二年夏凡用工匠二萬餘月給糧餉以萬計累石重甃培植加厚崇二丈三尺廣如之延袤百

六十五丈視昔益堅既告成賜名固安堤置守護者二十家建神祠於上有司以時修祀禮凡胥事悉賜鈔幣以勞之其視築矣陵堰役費加倍而堅實亦過之
春
明夢餘錄

原范成大盧溝作 草草輿梁枕水低匆匆小驛濯漣漪
河邊眼匝多生口長記軺車放雁時 石湖集

原趙秉文盧溝詩 河外橋柱如瓜蔓路入都門似犬牙
落日盧溝溝上柳送人幾度出京華 澄水集

原劉迎摧車行 渾河洶湧從西來黃流正觸山之崖
山崖路窄僅容過小誤往往車輪摧輪摧料理動半日後人欲過何艱涇深山日暮人已稀食物有錢無處覓
何時真宰遣六丁鏹此疊嶂如掌平憧憧車馬山西路

萬古行人易來去 山林長語
原楊奐詩 燕姬歌處轉鶯喉燕酒春來滑似油自有

五陵年少在平明騎馬過盧溝 還山遺稿
原盧亘盧溝卽事詩 幽薊忽如九天上俯視左右入

燕齊萬里南來太行遠蒼龍北峙飛雲低岡迴門掩花柳晴川平百里風烟迷丈夫出門自有樂人生何必長棲棲 皇元風雅

原表楠題盧溝煙雨圖作 驅馬上河梁圓暈新雨紋嬌首層閣巍翔鸞散奇氣猗南雙松樹百里風聲聞東髮入紫京去住心如焚送客醺我觴我醺不得醺願化為黃鸝朝夕隨飛雲上以奉明主中以承嚴君往復三千年奇齡合氤氲結袂安期子啟齒歌瓊文 清容居

士集

原胡儼過盧溝辭 洪流兮桑乾汨盤折兮潞潞架石梁兮橫波瀨淺兮激湍白石兮齒齒際平沙兮浩漫攬予轡兮東馳望天門兮九闕雲飛飛兮來迎水冷冷兮山青回颺兮遠度木蔓蔓兮禽聲子欲訊兮九河碣石逝兮嗟峨渺滄海兮無極悅臨風兮浩歌 胡祭酒集原黃佐曉發盧溝望京城詩 大車殷地揚塵起小車軋軋鳴不已蒼涼自是長安日嗚咽原非隴頭水玉輦

南行築將臺九重宮闕何崔巍
盧溝橋上闌干曲不似行人腸九迴
秦衆集

原喬世寧盧溝橋詩
立馬重含愁
沉臨溝水流風沙日暮起何處望京樓
邱隅集

原吳國倫盧溝橋詩
迴車薊北門飲馬桑乾水宛宛青龍橋頽波逝如駛
矯首望帝居宮殿錯如綺飄風忽

西至黃沙蔽天起不見郭生臺歎息張華里喧喧行路
人日昃去未已顧我志已忝徘徊在河涘
甄甄洞稿

原錢薇盧溝橋西村莊作
盧溝橋西開隱扉方塘曲檻故依依
帝城遙望雲龍護高館間隨野鹿歸
落日遠

山明斷塔暮烟衰柳帶餘暉
清谿小艇堪忘世忽憶江南舊釣磯
承啟堂稿

增方以智過盧溝橋詩
河道出桑乾橋頭薄日寒榆關春色迴
遼海暮雲殘征雁迴雙闕歸鞭控一鞍
鶯沙

增獨鹿回首遠長安
帝京景物畧
水誌山經入洛餘黃埃一增田雯盧溝橋張華舊居

路撲征車橋邊先到張華宅借讀柳環數卷書山鍾
補卓人月盧溝橋題逆旅主人壁詩春暉炙人如秋

陽百里無樹皆大荒深渡淺渡馬足白輕沙重沙人面
黃酸醞滿甕稱酒美健女負擔欺男厄草莽不知定鼎

意舉頭但歎長安長蔡淵集

增王紱危從過盧溝橋詩危蹕重來促晚裝雞聲殘

月樹蒼蒼數峰雲影橫空濶一帶波光入渺茫人語悄
傳孤戍火馬蹄寒踏滿橋霜望中風景俱堪思況復樓

臺是帝鄉友石山房稿

增楊榮盧溝橋北上詩河聲流月涵聲殘咫尺西山

霧裡看遠樹依稀雲影淡疎星寥落曙光寒石橋馬跡
霜初滑茆屋雞鳴夜向闌北上已看雙闕近五雲深處

是金鑾雲山小藁

增曾榮曉過盧溝橋詩渺渺平沙接遠堤一川斜月

石梁西光連古戍迷鴻影寒逐晴沙入馬蹄雲淡漸看
銀漢沒烟空微覺玉繩低經過曾此陪仙蹕兩度停驂

曉曉雞

葉使集

增沈德潛過盧溝橋詩

余乾流百折到此激盤渦今

古利召客俱從橋上過風沙揚旦暮鎖鑰壯圖河壑海
茫茫際誰人發浩歌 歸愚詩鈔

原范成大九日過盧溝水調歌頭詞 萬里漢家使雙

節照清秋舊京行遍中夜呼渡濟黃流寥落桑榆西北

無限太行紫翠相伴過盧溝歲晚客多病風露冷貂裘

對重九須爛醉莫牽愁黃花為我一笑不管鬢霜羞

袖裏天書咫尺眼底闕河百二歌罷此生浮惟有平安

信隨雁到南州 石湖樂府

原張耒過盧溝滿江紅詞 半世乾忙漫走遍燕南燕

北凡幾度馬蹄平踏卧虹千尺眼底闕河仍似舊鬢邊

歲月還非昔凭闌干唯有石段貌曾相識 橋下水東

流急橋上客紛如織把英雄老盡有誰知得金斗未懸

蘇子印綠苔空漬相如筆又平明銜雨入京門情何極

古山樂府

原解于必仁折桂令曲 出都門鞭影搖紅山色空濛
林影玲瓏橋倚危波車通遠塞欄倚長空起宿鷺千尋
卧龍掌流雲萬丈垂虹路杳疏鐘
似蟻行人如步蟾宮 樂府草珠

原盧水在帝京西南其北有村曰青菰入谷一里有何

將軍別業

蔣邱集

臣等謹按青菰村及何將軍別業今皆無考

原盧溝河畔元有符氏雅集亭蒲道源詩盧溝石橋天
下雄正當京師往來衝符家界側敞亭構坐對奇趣供
醇醲又有野亭見貢仲章雲林詩集今一望礪礪并民

居亦寥寥也

辛齋詩話

補元時盧溝橋畔有符氏雅集亭見蒲道源間居叢稿
袁桷清容居士集謂之酒亭貢奎雲林集謂之野亭袁
詩云茅屋疎煙報午鷄金沙清淺水亭低則謂之野亭
可也貢詩云粲此一畝宮而有靜者居濁醪得釀法好
客時與俱則謂之酒亭可也

黃圖雜志

臣等謹按符氏雅集亭今無考

原貢奎盧溝野亭詩 出郭野塵絕青山開盡圖迴岡
萬井聚虹梁薦川涂 沓沓車駕集交臂無寧軀粲此一

欽定四庫全書

卷九十三

訟宮而有靜者居花木明窈深魚鳥樂澄虛濁醪得醲
法好客時與俱昔我東南來萬里馬力瘡解鞍道傍樹
塵渴嘗自沽題詩忽在眼
日暮飛雲孤雲林集

原元太保劉秉忠墓在盧溝橋北墓前石獸尚在或云

太保與其弟秉恕墓俱在邢臺縣嘉靖中為盜李淮等
所發壙石盡勒諸盜名官驗得之按名捕盜無得脫者

長安
客話

臣等謹按劉秉忠墓今無考

原姚廣孝春日謁劉太保墓作
芳時登壇謁藏春兵
後松楸化斷薪雲暗平原眠石獸雨荒深隧泣山神殘

碑辭蝕文章舊異代人傳姓氏新華表不存歸鶴忽幾
多行客淚沾巾

逃虛子集

原素珙詩

橋南橋北數家村水遶山迴到墓門

此日英靈何處在獨留華表對黃昏

柳莊集

原特穆津之墓在盧溝河之側山水環繞相傳挿矢以

為垣邏騎以為衛濶踰三十里特穆津生于此故葬于

此

事略按特穆津蒙古語錢之最精者舊作忒沒真今譯改

臣等謹按特穆津墓今無考

增永定河北岸二工有

河神祠在趙村西二里許

五城寺院冊

臣等謹按永定河北岸二工

河神祠正殿恭懸

皇上御書額曰順軌貽庥聯曰靈昭保障資維固馨報
恬波祝有恒祠內東廂設

御座額曰怵哉榭聯曰利策河防常惕若勤求民隱倍
殷然皆

御書並恭懸

御製怵哉榭詩幅祠外碑亭內恭立乾隆三十八年

御製詩碑五言排律詩一章五言古詩一章

又按二工

河神祠對岸即金門閘恭勒

御製詩碑因地隸良鄉詳京畿門良鄉條下

增乾隆三十八年

御製閱永定河五言排律詩

有序

癸巳暮春之初瞻

謁永定河神祠詩以誌事
莢薪非不屬隄堰聿觀成

終鮮一勞策那辭五夜縈憑看雖曰慰追憶尚含驚舊

壑原循軌新祠已麗牲連阡麥苗嫩圍墅柳條輕慙之
安瀾術事神敢弗誠

增又

御製閱永定河五言古詩 庚寅夏決口補築旋歸舊

乾隆三十五年閏五月北岸二工漲決命侍郎德成
會同督辦于漫口處取直培築大隄指日奏報合龍 辛

卯秋衝隄漲波俾回溜

三十六年七月盧溝橋上游發
水南岸頭工處漫口甚廣仍命

德成會辦取直築隄
亦刻期奏報合龍

長此竟安窮是必病久受南河節

相宣 高晉中朝司空赴

集曰

方伯共踏勘

周元理

窮源委以

究分流盛漲洩疏游中泓走

河之受患端在淤高股薄應通行浚治以規永圖高

晉書諸河務命同尚書表曰修督臣周元理悉心相度自中泓達灣取直以及應疏應堵應引應洩之處發帑

大如營治發帑五十萬次第工云就去歲辛時若安瀾慶豐

收今年閏隄成仍擬下口觀

去年春大工告竣值歲幸報稔同覽各工實為欣慰

將以回程仍視下口既已昧幾先寧不籌善後萬民勿言謝追思

心尚疚

增又是年

御製沐哉榭詩

有序

永定河神祠東南地方官洒掃

為憇息之所因反蘇轍快哉之意名曰休哉而系以詩

瞻拜因祈恬佑來波流浸灌近隄隈江湖廊廟心誠

異夢得快哉我休哉 流細春波已激湍明知時節近

桑乾夏秋無定亟靳定高目一勞永逸難 渾水由來

易激淤中流因置浚船疏

表曰修周元理于永定河大工告成時籌辦善後事宜議

設浚船一百二十隻分布各工即命河兵以時洶濬中
阻使無停淤阻滯之患今亦賑河中備閘如果實力行
之無稍停輟不致視為具文未必無小補所謂
有治人無治法惟在司事者之董察弗懈耳

無遑平

日尚勤爾遮莫一時備覽予

增永定河南岸頭工公義莊有

玉皇廟

五城寺
院冊

臣等謹按永定河南岸頭工

玉皇廟東北距京城八十里西距良鄉縣界三里舊廟
基在今廟西百餘步

聖祖御書額曰萬象同瞻嗣因河流衝齧移置今所並
恭移

聖祖御書額敬懸殿內乾隆三十七年復奉

命修葺正殿恭懸

皇上御書額曰利普平成聯曰元功佑輯橫流定大德

帡資兆姓安

原洗馬溝在府西南四十五里相傳光武北巡洗馬于

此故名

名勝志

補洗馬溝即鉞期奮戟處

襲剔堊奇

原濕水又東與洗馬溝水合

水經注

原太湖在府西南四十五里廣袤十數畝傍有泉湧出

冬不凍東流為洗馬溝

明一統志

臣等謹按洗馬溝舊跡今不可辨水經注又謂源

出西湖亦稱太湖當即今

御園昆明湖諸水謹將原本內所引水經注西湖一節
移載

苑囿門茲不複綴

原薊城南七里有清泉河上承桑乾河東流與潞河合

魏氏土地記

臣等謹按卽蔚之隋圖經云濕水卽桑乾河至馬
陘山爲落馬河出山謂之清泉河酈道元水經注
亦云濕水又東北逕蔚縣故城南是清泉河卽桑

乾河之經蔚城南者非另爲一水也

原晉成鄴王穎密使右司馬和演殺王浚於是與浚期
游蔚城南清泉水上蔚城內西行有二道演浚各從一

道演與浚欲合函簿因而圖之值天
暴而兵器霑濕不果而還

晉書

原陰鄉廢縣在府西南二十五里漢置陰鄉縣屬廣陽
國後漢省其遺址俗謂之籠火城唐武德三年竇建德

遣將高士興擊羅藝于幽州不克退軍籠火城藝襲擊大敗之未幾復敗建德軍于籠火城是也

方輿紀要

臣等謹按陰鄉廢縣遺址俗名籠火城者今無考

增陰鄉廢縣在今薊縣南界良鄉東界固安北界三縣

交入之地

太平寰宇記

原安禮砦在府西南宋太宗時宋琪言安禮砦東瞰燕

城纔及一舍此周德威取燕之路也

方輿紀要

原垂拱中宋琪請復幽燕疏言從安禮寨西北有盧師

神祠是桑乾出山之口東及幽州四十餘里趙德鈞作鎮之時欲遏西衝曾塹此水河次半有崖岸不可輕度其平處築城護之守以偏師此斷彼之右臂也

宋史

朱彛尊原按南北監本宋史宋琪傳俱作安祖砦

臣等謹按安禮砦今無考

原金水村去帝京西南三十里清河泛濫夾岸白沙如雪早春芳碧羅生照映大防諸山實異境也

薊邱集

臣等謹按金水村今無考



欽定日下舊聞考卷九十三